

Lavurera da betun AFQ

Lavurer da betun AFQ

Planung, Hochbau, Tiefbau

Durada

3 onns

Terminaziun

Eidgenössisches
Fähigkeitszeugnis EFZ

Indicaziuns davart il salari

1. onn d'emprendissadi: CHF
800–1000.–
2. onn d'emprendissadi: CHF
1100–1300.–
3. onn d'emprendissadi: CHF
1600–1800.–

Lavurers e lavureras da betun construeschan products da betun u crap artificial. Quests products da betun vegnan duvrads tranter auter en la construcziun d'abitaziuns, construcziun d'edifizis da mastergn, construcziun bassa, construcziun da punts, orticultura, construcziun da stadions, construcziun da tunnels u sco protecziun cunter canera. Exempels per tals products èn elements da fatschada, bancs da finestra, balcuns, roms da portas, stgalas, bancs da seser, chaschas da flurs u crappa per far urs da vias u passapes.

Incumbensas

Lavurs preparatoricas

- leger ed interpretar ils plans da construcziun
- definir il material ed il tip da las furmas da cular, las uschenumnadas armadiras
- transferir las mesiras da la part che sto vegnir producida sin il plan da construcziun
- calcular las quantitats da las materialias duvradas, per exempel sablun, glera, aua, cement u aditivs
- preparar l'armadira per ina producziun da seria
- preparar maschinas ed utensils da lavur

Producziun

- fabritgar u montar a maun u cun maschinas armadiras ord atschal, lain u material sintetic
- tagliar e storscher l'atschal per construir rinforzaments che vegnan integrads en il betun
- tschentar ils rinforzaments e las parts accessoricas tenor ils plans da construcziun
- fabritgar il betun tenor receipts precis cun agid da maschinas automaticas che vegnan dirigidas dal computer, respectar latiers las normas vertentas
- derscher, smatgar e scurlattar il betun en las armadiras
- elavurar e nobilisar las surfatschas, per exempel tras sablunar, glimar u pulir

- allontanar l'armadira da la tocca finida e la controllar sin donns

Deposit, transport e montascha

- transportar e deponer la singula tocca a moda segira cun agid d'ascensur u tschaghegnas
- auzar la tocca da betun sin in vehichel e resguardar latiers las perscripziuns da segirezza
- tschentar ora documents da furniziun
- montar pitschnas parts da betun al lieu, serrar foras da francaziun e montascha e construir differents tips da stuppadiras

Nettegiament e tgira

- nettegiar il plaz da lavur
- mantegnair maschinas ed apparats
- dismetter il rument e resguardar latiers las perscripziuns da la protecziun da l'ambient

Ambient da lavur

Lavurants da betun lavuran tar manaschis che produceschan elements da betun ed auters products da betun. Per regla èn quests manaschis da grondezza mesauna. Las glieud da professiun lavura en in team tenor in urari da lavur regulà. Els lavuran cunzunt en lavuratori, èn dentant magari era sin ils plazzals per far mesiraziuns u per furnir e montar parts da construcziun.

La branscha ha memia paucs lavurers da professiun cun emprendissadi. Lavurers da betun èn perquai persunas da professiun tschertgadas ed han bunas perspectivas professiunalas.

Pretensiuns e interess

Pretensiuns

- Inschign manual
- Chapientscha tecnica
- Imaginaziun tridimensiunala
- Gronda toleranza da canera
- Abilitad da lavurar en in team
- Resistenza corporala

Interess

- Lavurar cun arschiglia, crap e vaider
- Lavurar cun maschinas

- Esser corporalmain activ
- Lavurar cun ils mauns

Scolaziun

Manaschis

En ina interpresa che producescha rauba da betun u che construescha elements prefabritgads da betun

Scola

1 di per emna a la scola professiunala a Zofingen/AG

Curs odaifer il manaschi

Emprender ed exercitar a moda pratica la basa professiunala a Sursee. 60 dis durant 3 onns

Durada

3 onns

Cundiziuns d'admissiun

Temp da scola obligatoric terminà

Maturitad professiunala

Tar fitg bunas prestaziuns da scola po vegnir frequentada la scola da maturitad professiunala durant la furmaziun da basa.

Titel da finiziun

Lavurer / lavurera da betun AFQ

Furmaziun cuntinuonta

Curs

purschidas da scolas spezializadas e professiunalas, sco er purschidas d'associaziuns, spezialmain da l'Associaziun professiunala per products svizzers da betun (SwissBeton)

Examen professiunal (EP)

controllader / controlladra da material da construcziun (betun e maulta) cun certificat professiunal federal

Examen professiunal superiur (EPS)

p.ex. maister constructur / maistra constructura, manader diplomà / manadra diplomada da construcziun bassa

Scola spezializada superiura (SSS)

Curs da furmaziun per mastergns parentads, p.ex. tecnicist diplomà / tecnicista diplomada SSS en surveglianza da construcziun

Scola auta spezializada (SAS)

percurs da studi da bachelor en direcziuns spezialas parentadas, p.ex. Bachelor of Science (SAS) inschignera da construcziun. Tut tenor scola auta superiura valan differentas cundiziuns d'admissiun.

Professiuns sumegliantas

Ulteriuras infurmaziuns

Swissdoc Nummer

TODO

SwissBeton - Fachverband für Schweizer Betonprodukte

<https://www.swissbeton.ch>

TODO

<https://www.becc.admin.ch/becc/public/bvz/beruf/show/39905?lang=de>